



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Domus Æternitatis Damnatae

Dirckinck, Johann

Coloniae Agrippinae, 1713

29. Signa prædestinationis & beatæ æternitatis.

[urn:nbn:de:hbz:466:1-50700](https://nbn-resolving.org/urn:nbn:de:hbz:466:1-50700)

ignosce ingratitude meæ : sustine insipientiam meam, duc me ad voluntatem tuam, custodi me in patientia; ut tandem me restituas Creatori meo in lætitia; nec præcipiter in infernum, ubi in cumulo omnium tormentorum, in cumulo omnium Dæmonum ac damnatorum, cogar ardere, torqueri & cruciari in æternum.

CONSIDERATIO XXIX.

Signa prædestinationis & beatæ æternitatis.

Quos præscivit & prædestinavit conformes fieri, imagini Filii sui. Rom. c. 8. 29.

24. Septembris.

CONsideravimus hæcenus, tam gaudia Beatorum, quàm reproborum supplicia : atque interea spem inter & metum fluctuamus. O si sciremus, num in Libro vitæ ac beatæ æternitatis descripti essemus ! O si constaret nobis, num damnationem perpetuam evasuri, salutemque æternam aliquando adepturi essemus ! Quibus cum Sanctis Patribus

N 2

& Ec.

300 *Domus aternitatis. Consideratio*
& Ecclesiae Doctoribus respondemus,
citra revelationem divinam, scire id cer-
tò neminem posse: quamdiu enim in hoc
mundo vivimus; *Nescit homo, utrum o-*
dio, an amore dignus sit; sed omnia in fu-
turum reservantur incerta. Eccle. c. 9. 1.
Si tamen cor nostrum non reprehenderit
nos, fiduciam habemus. 1. Joan. c. 3. quod
simus filii Dei, & hæreditatem cœlestem
adituri. Deinde varia valde probabi-
lia, & moraliter certa prædestinationis,
& electionis ad gloriam signa tenemus.
At quænam illa? E pluribus à Sanctis Pa-
tribus, asceticisque Doctoribus recensita,
nonnulla breviter exponemus.

I. Prædestinationis signum est *Ti-*
mor peccati. Hic enim timor oritur à
timore Dei, qui est initium sapientiæ &
expulsio peccati: *Timor Domini expellit*
peccatum. Eccli c. 1. 27. at peccatum &
offensa Dei, sunt impedimenta salutis.
Expulsio autem peccati est origo purita-
tis cordis; puritas verò cordis, signum
est prædestinationis, teste Veritate æter-
nâ: *Beati mundo corde, quoniam ipsi Deum*
videbunt. Matth. c. 5. 8. Itaque timor
pecca-

peccati & *timor Domini fons vita.* Pro-
verb. c. 14. 27. est signum prædestinatio-
nis æternæ.

II. Signum secundum prædestina-
tionis, post commissum peccatum, est ce-
leris & fructuosa *pœnitentia.* Quemad-
modum Christus Dominus prædicare
cœpit: *Agite pœnitentiam, appropinqua-
vit enim regnum cœlorum.* Matth. c. 4. 17.
& S. Joannes Baptista: *Facite fructus
dignos pœnitentia.* Luca c. 3. 8. Nam pœ-
nitentia est radix gratiæ; gratia autem
est radix & semen æternæ gloriæ. In vera
enim ac digna pœnitentia, est declinatio
à malo, cessatio à peccato, vitæ emenda-
tio, Angelorum exultatio, beatitudinis
expectatio. *Gaudium erit coram Ange-
lis Dei super uno peccatore pœnitentiam
agente.* Luca c. 15. 10. *Et qui seminant
in lacrymis in exultatione metent.* Psal.
125. 5. *Atque ita, Pœnitentia calum ape-
rit, & in paradysum ducit.* S. Chrylost.
hom. 3. de pœn.

III. Signum tertium prædestinatio-
nis est *tribulatio.* Hæc enim est genuina
filiorum Dei & electorum nota, salutis
arrha,

302 *Domus aeternitatis. Consideratio*
arrha, cæli janua; quam Christus Domi-
nus nobis patefecit, & per eandem ipse
intravit. *Nonne hæc oportuit pati Chri-*
stum? Et ita intrare in gloriam suam? Lucæ
c. 24. 26. Per hanc quoque januam tri-
bulationis ingressi sunt omnes sancti,
omnes filii Dei dilecti; qui omnes signo
tau, seu signo crucis ac tribulationis fu-
ere notati. *Quem enim diligit Dominus,*
castigat; flagellat autem omnem filium,
quem recipit. Hebr. c. 12. 6. Christus
autem & omnes Sancti, in gloria jam
regnantes, nobis, cunctisque salvandis,
sunt sequendi, si regnum cælorum in-
gredi cupiamus. Alia enim via non da-
tur. *Quoniam per multas tribulatio-*
nes, oportet nos intrare in regnum Dei.
Actorum c. 14.

Adhortatio & petitio,

Visne ô homo! esse prædestinatus ad
gloriam æternam; ejusque signa
in te reperiri desideras? Fuge pecca-
tum, & declina à malo; Deum time &
mandata ejus observa. Sed &, *Fili pec-*
casti? non adjicias iterum: Eccli c. 21. 1.
pœni.

pœnitentiam seriam & fructuosam age; ac cum metu & tremore salutem tuam operare. Philip.c.2. Tribulationes libens sustine, viam crucis, cum Christo & sanctis constanter tene; & prædestinationis signa clarissima non deerunt: *Momentaneum enim est leve tribulationis nostræ, æternum gloria pondus operatur in nobis.* 2. Corinth.c.4. Quod ut obtineamus, omnia prædestinationis signa & gloriam iis annexam, Jesu bone, nobis clementer impertire tanquam caput membris, tanquam Pater filiis; tanquam hæres cohæredibus, tanquam major natu frater, natu minoribus; tanquam Imperator militibus, tanquam Dominus servis, tanquam sponsus sponis, tanquam supremus vineæ Dei procurator operariis: ut te cum Patre & Spiritu sancto, laudemus, & glorificemus in sæcula.

25. Septembris.

IV. **S**ignum prædestinationis est *Humilitas. Qui se humiliat exaltabitur*, ait Redemptor noster Lucæ c. 14. 11. Humilitas enim est vera sui cognitio,

304 *Domus æternitatis. Consideratio*
tio, sui vilipensio, & cordis depressio; ex
qua oritur exaltatio, consolatio, oratio-
nis exauditio, ac denique æterna beati-
tudo & salus: quia *Humiles spiritu salva-
bit. Psal. 33. 19.*

V. Signum prædestinationis est *Mi-
sericordia in pauperes.* Teste Servatore
nostro: *Beati misericordes, quoniam ipsi
misericordiam consequentur. Matth. c. 5.
7.* Misericordia enim, obtinet peccato-
rum veniam, divinam conciliat miseri-
cordiam, à morte malâ liberat, & vitam
æternam promeretur: veluti Judex su-
premus in die judicii, coram toto mun-
do proclamabit: *Venite benedicti Patris
mei, & possidete regnum, esurivi enim &
dedistis mihi manducare. Matth. c. 25. 35.*

VI. Signum prædestinationis est, *di-
lectio inimicorum*: hæc enim dilectio, est
magna sui victoria, veri Christiani glo-
ria, Charitatis corona, Filiorum Dei tel-
sera, paradisi porta. *Diligite, ait Christus,
inimicos vestros; benefacite his, qui ode-
runt vos, & orate pro persecuentibus &
calumniantibus vos; ut sitis filii Patris ve-
stri qui in calis est. Matth. c. 5. 44.* Si

autem

autem filii & hæredes, hæredes quidem Dei,
cohæredes autem Christi. Rom. c. 8. 17. Et
regni cœlestis.

Admonitio.

O Anima mea ! Tu Libro vitæ no-
men tuum inscribi unicè desideras :
& rectè : sed si id serium tibi sit ; allabo-
ra, ut animi demissione sis prædita ; & mi-
sericordiâ pauperum , dilectioneque
inimicorum exornata : qui enim spiritus
altos gerit, humiliabitur : qui miserico-
diâ caret , iudicium sine misericordia
præstolabitur : qui proximum odio pro-
sequitur , à Deo nequaquam diligetur.
Humiliare igitur sub potenti manu Dei,
ut exaltet te in tempore visitationis. I.
Petri c. 5. Quomodo potueris esse mi-
sericors : *Eleemosyna enim ab omni pec-
cato & à morte liberat , & non patietur
animam ire in tenebras.* Tobia c. 4. Dili-
ge inimicos tuos & eris filia Patris cœle-
stis, hæresque æternæ beatitudinis.

26. Septembris.

VII. **P**Rædestinationis signum est, con-
tinentia sive castitas, De castis
& Vir-

306 *Domus aternitatis. Consideratio*
& Virginibus ait S. Joannes Apoc. c. 14.
Hi sunt, qui cum mulieribus non sunt co-
inquinati; virgines enim sunt, & sequun-
tur Agnum [in caelo] quocunque ierit.
Castitas enim est animæ nitor, cordis
mundities, corporis incorruptio, vitæ
angelicæ ratio, flos sanctimonix, diade-
ma decoris, & pignus immortalita-
tis. Unde exclamat Sapiens: *O quam*
pulchra est casta generatio cum claritate!
immortalis est enim memoria illius, & in
perpetuum coronata triumphat. Sap. c. 4. in
caelesti capitolio.

VIII. Signum prædestinationis est,
frequens ac devotus usus SS. Eucharistia.
Hæc enim est panis vitæ, fons gratiæ,
radix meritorum, mortis antidotum,
viaticum in Domino morientium, phar-
macum immortalitatis, & futuræ glo-
riæ pignus securum: nam, *si quis man-*
ducaverit ex hoc pane, vivet in æternum.
Joan. c. 6. *Et qui manducat meam car-*
nem, & bibit meum sanguinem, habet vi-
tam æternam: & ego resuscitabo eum
in novissimo die. l. c. ad gloriam sem-
piternam.

IX. Sig.

IX. Signum prædestinationis est, devotio erga beatissimam Virginem Mariam, Christi Domini nostri matrem benignissimam. Hæc enim Domina, & cæli Regina, est Mater viventium, & Electorum, eos ad vitam æternam feliciter perducens: est arcus seu signum fœderis; inter Deum & homines, pacem reconcilians: est arca Noe, à diluvio damnationis æternæ præservans: est columna nubis & ignis, in terram promissionis introducens: est stella maris, in portum beatitudinis navem dirigens: est scala Jacob, per quam homines in cælum ascendunt: est denique Mater sapientiæ, mater sanctæ spei, mater salutis æternæ, in veritate valens dicere: *Qui me invenerit, inveniet vitam & hauriet salutem à Domino.* Proverb. c. 8.

Paranesis.

QUapropter O Christiane! O Ecclesiastice! O Religiose! Examina te, utrum signa hæc novena in te deprehendas: si ita; gaude, Deum lauda, ei que gratias immortales age: signa enim moraliter

308 *Domus aternitatis. Consideratio*
raliter certa habes, quòd nomen tuum
scriptum sit in libro vitæ: quodque sis
præscitus, prædestinatus & prædilectus
à Deo: quia conformis es imagini Filii
Dei, in timore Domini, in detestatione
peccati, in tribulatione, humilitate, mi-
sericordia, inimicorum dilectione, casti-
tate, amore SS. Eucharistiæ, & B. V. Ma-
riæ. Nam *Quos præscivit & prædestina-
vit, conformes fieri, imagini Filii sui, hos
& vocavit, quos autem vocavit, & justifi-
cavit: & quos justificavit, illos & glorifica-
vit. Rom. c. 8. 29.*

CONSIDERATIO XXX.

Signa reprobationis & damnatæ æ-
ternitatis.

Deleantur de Libro viventium. Psal. 68.

27. Septembris.

CUpisne nunc quoque, Chare Le-
ctor, intelligere signa reprobatio-
nis, ut ea cane pejus & angue fugias, aut
si ea in te deprehenderis, elimines? Ecce
sequentia; signis prioribus è diametro
opposita.

I. Sig